

TV Talk on COVID-19

COVID-19 hri leng Mizorama a darh loh nan Sorkar in kawng tinrengin hma a la mek a. Kan hriat theuh angin Central Sorkar in Janata Curfew **Dt. 22.3.2020** khan a puang a, he mi ni atanga **29.3.2020** thleng aw h turin Mizoram Sorkar chuan State pum huap Lockdown a puang ve nghal a nih kha. Central Sorkar chuan **25.3.2020** atanga **14.04.2020** chhung ram pum huap Lockdown a puang a, tunah hian chumi hunah chuan kan awm mek a ni.

Hemi chungchangah hian DGP kaihhraina hnuaiah kawng hrang hrangin Mizoram Police in hma kan la a, chung kan hmalak na thenkhat leh mipui ten kan zawm ngei atana ngen kan duh te TV kal tlanga sawina hun neih tula kan hriat avangin thusawina hun kan buatsaih a. Mipuite hriat tur a kan duh te i han tarlang teh ang:-

- 1. Border khar:** Mizoram Police chuan he hri Mizorama a darh loh nan nasa takin hma a la a. International border leh State border ah te Police dahin inkalpawhna zawng zawng **Gate 6** tih loh chu khar a ni a, heng Gate 6 pawh hi ngun taka a vil an ni. Border sealing ti tur hian hmun **49** (28.3.2020) ah Police duty dah a ni a, a remchan angin VC leh YMA ten an pui reng bawk. Heng baka inkalpawhna dang awmah pawh a khaw mipuiten khawtlang hruaitute kaihhraina hnuaiah duty dah vek an ni. Heng inkalpawhna te hi **11.3.2020** atangin dan tan a ni a, khar belh zel niin tunah chuan a vaiin **49** khar a ni.
- 2. Aizawl bik duty:** Kan State-a Total Lockdown (25.3.2020) chhunga duty, Aizawl City chhungah **hmun 92** ah siam a ni. Heng zingah hian hmun **28** ah Police leh LTF an duty pawlh a, hmun **64** ah phei chuan Local Task Force hlangin an duty a, Police Mobile ten an tlawh thin bawk.
- 3. State pawn atanga lo haw te:** State pawna Mizo awm lo haw te pawh Airport ah leh Vairengteah Medical Team ten **Thermal Test (Screening)** an nei a, Home Quarantine ti theite chu anmahni Ina inkhung hrang tura tih an niin a thei lo leh tul bika 'hriatte chu **State Quarantine facilities** ah dah an ni. Tunah hian Aizawl, Lunglei, Siaha, Lawngtlai, Serchhip, Champhai, Khawzawl, Saitual, Kolasib leh Mamit District ah mi **393 State Quarantine** an ni a, Home Quarantine hi State pumah mi **2239** an ni. (As on 26.3.2020).
- 4. Quarantine facility:** Tun dinhmunah hian Aizawl District chhungah **Quarantine Facilities - 7** a awm a, (chungte chu YHAI, Luangmual, Tourist Lodge Beraw Tlang, PHC Lengpui, Tourist Lodge Lengpui, R. Dengthuama Hall Mualpui, Sesawng Primary School-II leh State Guest House Aizawl an ni a) **mi 133** an awm mek (28.3.2020). Heng bakah hian Mizorama lo lut thar te chu Home Quarantine zel an ni bawk.

PA

Lue
28/3/2020

5. **Positive case neih thu:** Tun hnaiah ram dang atanga lo haw COVID-19 vei hmuhchhuah a ni a. Amah leh a chhungte (wife, 2- daughters and maid-1 total 4+1) Zoram Medical College (ZMC) ah **24.3.2020 11:00 PM** ah dah an ni a, enkawlna tha tak pek an ni. A chhungte zz test result **Dt. 27.3.2020** ah lo chhuakin a **Negative** vek tih hriat a ni a, a lawmawm hle.

6. **Positive in a chuanpuite:** COVID-19 positive in a chuanpui leh amah avanga kai palh thei nia hriat te chu chhui zui vek an ni a, mi **105** te hi Quarantine tawh an ni a, tun thlengin test result positive hriat a la awm lo.

7. **Essential Commodity:** Total Lockdown chhung hian mipui ten ei leh bar kan tlakchham loh nan Essential Commodity phur lirthei te tuang taka an kal reng a tul a, chumi tur chuan hmalak a ni. Mizoram hmun tinah supply tuang taka a thlen reng theih nan Sorkar in hma a la a, chuvangin Police leh khaw tina Local Task Force duty te pawhin **buhfai leh nitin mamawh phur** Motor tlan te kawng lakah dang lo a, tuang taka an kal theih nan lo pui zel zawk turin kan ngen a ni.

Hmun tam takah hnamdang Buhfai phur Driver te a thlawn a eitur pe in khawtlang hruaituten in lo tanpui thin tih hriat a ni a, a lawmawm hle. Hei hi i chhunzawm zel ang u.

8. **Invenna lam:** Hetianga Sorkarin hma a lak lai hian mipuite pawhin kan theih ang anga invenna kan kalpui a ngai. In len pawh loh (**social distancing**) ngaih pawimawh leh fai taka kut sil fo turin kan in ngen a. Aizawlah chuan mipuiin ei leh bar kan nghei loh nan Local Task Force te pawhin **Home Delivery** kalpui mek an awm a, hei hi in tih hmuh atan a tha. Mipuiten Police leh Local Task Force thu leh hla i zawm hram ang u.

He hri dona atan hian Sorkar in Chief Secretary hnuaiah State Level Task Force din a ni a, tin, District tinah DC te kaihhraina in District Level Task Force a awm leh a, khua/veng tinah Local Level Task Force din a ni bawk.

9. **Police Control Room:** COVID-19 dona kawnga hmalaknaah hian Aizawl Police Station-ah Police Control Room din a ni a, hei hi Officer ten chhun zan zawmin an lo vil reng a ni.

Control Room No. 0389 - 2322375/8794747291

10. A tawp bera ka sawi duh leh ngen duh chu Lockdown period chhunga pawn chhuak lo tur leh thupek zawm tha turin mipuite ka chah duh a.

Tun thleng hian thuawih lo pawn chhuak lui kan awm hauh lo leh ramri-ah pawh Police leh khawtlang hruaituten uluk taka lo lut tur lo ven hna kan thawk hi a ropui hle a ni. Mizo mipuite thuawih theihna leh Lockdown bawhchhia man ngai pakhat mah kan awm lo te hi National Magazine (Swarajya) leh News Reporter hrang hrangin entawn tlak tiin an sawi a ni.

Tunah hian Lockdown ni 4 na kan hmang mek a, ni 17 kan hmabak a. Hemi chhung hian India ram pumah Coronavirus inkai darh mekna hi a chatlak beisei ila. Amaherawhchu, buhfai leh nitin mamawh phur Motor khalhtu, a bik takin hnamdang Driver ten kawngpui dungah ei leh bar lamah harsatna an tawh loh nan kawngdung a Restaurant leh Hotel te hawn tir turin hriattir an ni a.

Mipui ten nitin ei tur mamawh te kan tlakchham loh nan buhfai leh nitin mamawh phur Motor leh a khalhtu Driver ten kawng dungah harsatna an tawh loh nan lo tanpui theuh turin ka ngen bawk a che u.

Kan lawm e.